



借取

庚子



皮門牆春雨穠桃李眼前矯立三鳳
聞趨仲也先路翔寥廓明刑功業于張俱千里迎養
來京國推恩會拜郎官勅義方不負當年心齋紙
龍章淋御墨不憤官居冰蘖苦秋風尊鱸念鄉土
聖皇推孝恩何溥詔許王臣得將父習溪清清螺山
蒼主人歸來何相羊茅堂參差松桂長晝錦迴照林
壑光

挽徐封君

越山寒風動蒿里商氣蕭瑟白楊靡令德胡不遐壽
紀窮泉永隔日西頽孝子心裂腸九迴墓堂刻石空

崔嵬

二南靜處和公謹韻

川流東下不復西人生適意惟幽棲我今簿領正紛
糾執筆向君慚品題世人勞勞欲何以往古來今皆
若此圯上昨逢黃石公雲間又訪赤松子松葉號風
古道深綠蘿飛花搖蒼林不聞車馬喧城市但見日
月交升沉門外草長稀俗客閉門靜玩無文易偶起
弄琴坐石床忽見遠岑橫寸碧

平蜀行贈見素翁

蠶鳧之國區壤奇地險真將天險移鳥飛不遺餘

下一夫當關那用爲自從金牛入秦計遂令
平地邇來不知世幾何或順或逆更隆替 聖明文
化雕耕柔西蜀遂與中華侔衣冠未許誇郗魯桑麻
千里環遭周百餘年來樂全感藍鄒敢爾志在維
江市上列旌旗赤甲山中啼梟獍羽書馳報未央
天子盱食憂忡忡八洛咨賢起宿望 九重遣使回
重瞳雲莊偃仰經幾載聞 命憂時動英采鳴騶赴
道即日行遠向巴夔靖多壘入境即毀白帝祠并蛙
血食禮豈宜節風義氣動山谷死賊且戮生可知車
馬崎嶇華隴道魚貫而來者群盜升高按甲諭 天

威戢戢駢頭思怙冒刻期欵附偶值雨遂使無知仍
齟齬天時人事每相違肆伐通江豈得已得漢城中
極險危幕星席露屯能罷分兵四戰如破竹禽草獮
薙真神奇元兇勢窮欲効順執俘適落荆湖陣後來
醜類尚縱橫螳臂當車空首命功成引咎早乞休鷗
夷赤松良足儔千仞雲霄見毛羽蜀人遮道難扳留
兩川至今荷公力雞犬無驚謚家室他年圖畫股肱
臣麟閣何人當第一

石江行贈歐崇道

梅嶺之北章貢之源分流小派不知數直下百里匯

合爲一相。應喧磨刀寨前水。聲急皇恐。灘頭風色來。
奔騰激蕩。誰底柱有岡橫絕。宛如蜀口巫峽。嶽峯壁
立難躋。攀水清沙白石礪礪孤帆斜日江潺潺雖無
天梯石棧峨眉劍閣巉巖險而見飛湍瀑流到此逆
折回狂瀾吁嗟乎彭蠡豬不竭尾閭去無還誰遣小
孤塞湖口中流安得金焦山古今流時不可變天地
氣化常相關人生中道無定力百年歛歛凋朱顏嗟
此隨波逐流者終朝汨汨何時聞石兮石兮吾今與
爾相誓約江水日夜流有清亦有濁青天白日照此
心此石不爛心不淫

長風行送霜厓曹太僕

五月長風天際來都城九陌飛塵埃西山雲裊翠微
寺左掖日射黃金臺崇文門外冠蓋集三義祠前供
張開拂堤楊柳低欲折隔座管絃頻相催情深翻恐
夕陽暝飲劇不顧玉山頽借問仙郎去何止滁南諸
峯好亭子醉翁碑石半莓苔遊子心情在山水野芳
佳木自四時疊嶂層巒爭磊奇石磴穿雲行載酒竹
牀分葉坐題詩林鳥引雛蜂課蜜焚香松下琴橫膝
誰道風流擅古人始知吏隱兼今日慚我平生最踈
懶荷君相顧能青眼海內知心有幾人萍踪聚散徒

合爲一相。飛喧磨刃。寒前水聲。急皇飛。頭風色寒。
奔騰激蕩。誰底柱有岡。橫絕宛如蜀口。巫峽嶽。蓋壁
立難躋。攀水清沙白石。礪礪孤帆斜日。江潺湲。雖無
天梯石棧。峨眉劔閣。巖巖險而見飛湍。瀑流到此。逆
折回狂瀾。吁嗟乎。彭蠡豬不竭。尾間去無還。誰遣小
孤塞湖口中。流安得金焦山。古今流峙不可變。天地
氣化常相關。人生中道無定力。百年歛歛凋朱顏。嗟
此隨波逐流者。終朝汨汨何時閒。石兮石兮。吾今與
爾相誓約。江水日夜流。有清亦有濁。青天白日。照此
心。此石不爛。心不淫。

長風行送霜厓曹太僕

五月長風天際來。都城九陌飛塵埃。西山雲裊翠微
寺。左掖日射黃金臺。崇文門外冠蓋集。三義祠前供
張開。拂堤楊柳低欲折。隔座管絃頻相催。情深翻恐
夕陽暝。飲劇不顧玉山頽。借問仙郎去何止。滁南諸
峯好。亭子醉翁碑石半。莓苔遊子心情在。山水野芳
佳。木自四時疊嶂層巒爭。磊奇石磴穿雲行。載酒竹
牀分葉坐。題詩林鳥引雛蜂。課蜜焚香松下琴。橫膝
誰道風流擅古人。始知吏隱兼今日。慚我平生最踈
懶。荷君相顧能青眼。海內知心有幾人。萍踪聚散徒

傷感非才豈稱惠文冠進退無據今茫然安得納履
隨君往豐樂臺前酌釀泉

梧桐行贈葉栗夫

仙人掌上日光浮燕雀高飛黃金樓 寶座裘衣明
藻火丹墀雕甲環貔貅鴻臚辟徹鸛班肅 天語傳
宣恩寵渥階勳歷處盡躋崇榮及親懍生死縵綿袍
色炫烏紗帽霞珮影翻珠翠翹嵩呼盡是感恩深具
慶堂中尤浩浩閩南老臣梧桐翁德協高明祿秩崇
教子英年通瓊籍蒙城治最誰堪同工曹獻績 天
顏喜服此 殊恩誇世美慶源有在報不虛多福還

看自天侈

贈田左二生和李空同

天空雲爛五色黃威鳳雲中高飛揚九苞千仞不可
見繽紛百鳥徒踰踉跟湏臾忽下丹山翼朝陽映射卷
阿側君不見汴梁才子名實俱宮花回首長安衢

贈田水南和空同

塞雲淒淒衆口噉妻冬啼寒兒饑號誅求豈但州縣
勞黑風吹海翻波濤水南田子天下豪白日清秋擁
節旄行看晉陽賣劔刀君不見長安道上感冠蓋赫
奕勳名湏當代

即席賦別諸子

王庸之
左舜齊

熊子脩
田深甫

李木

十月黃河約如帶太行浮雲開紫蓋匹馬驕嘶古道
傍孤鴻遙落青天外野亭霜重籬菊黃高樹葉落沙
飛揚諸生遠送情難別斜陽急管催壺觴憶昨文場
監大比一榜登名盡才子筆陣縱橫滿紙雲詞源奔
突長江水人文自昔重名家大賢衣鉢傳無涯來年
上國饒春色九陌行看醉杏花

和涯翁鶴樓簡鳳山韻

扁舟夜向城西泊縹緲飛樓屹黃鶴僊踪杳渺不可
求萬里清風振寥廓迸江石壁半天鑿內方大別相

綿絡江濤帶雨翻漁磯沙月含波明佛閣縱觀八極
豁眉容朗吟高視馮夷宮煙開芳樹鸚洲出雲沒菁
山鳥道通孤撐豈直壯形勝洞達時用觀民風長衢
花柳走稚子破屋蓬蒿坐老翁今古登臨多英彥愧
我蹤跡四方半江湖遠念感希文尊鱸清思動張翰
鳳山磊落天下豪平生仰止今初見青天白日照丹
心窮谷深山驚鐵面文章秦代則雅循法律漢庭稱
老練甘棠幾樹在樓陰春風歲歲拂瑤漢

題吳中丞東湖書院

有泉隨地可東湖昔者南楚今蒼梧傍湖結屋書萬

卷三十年來猶故吾大雲山高月光小飛翠亭深人
跡少竹塢寒鷄子夜啼楸葉清拂露華曉六經大義
煥天中稷契彌綸成帝功海內紛紛正多事於乎獨
力其在公

汪希會壽親和二泉翁韻

九天閭闔開制儀使臣承 命將南之輶車北出秋
風動旌旆南搖曉月隨回首燕京迥雙闕遙望衡山
翼軫側百尺老椿枝榦橫南極星低隱寒色綵衣翩
翩行江春堂上入拜白髮親錦鞍珠履何紛沓鳴笙
擊鼓來嘉賓君不見黃鵠磯頭風日清煙花白日搖
雙旌丈夫顯親須畫錦區區閭里誰知名

菊泉卷和西涯翁韻

黃鵠磯頭第一家山下寒泉映菊花秋香蘸水颺星
彩曉色凝枝承露華離襪霜開萬疊玉遶戶風搖千
頃綠焚香靜坐半鈞簾低頭漫檢長生籙隱君元是
葛天民生態滿前期活人南陽甘谷渺何許流入鸚
洲不染塵虛囊濟世藥常買清白流傳猶不改一軟
起危捷若神萬家感德深如海簪纓振世宜諸郎譽
澤流傳人不忘科名又見群孫盛積善應知後代昌

東亭

王門景色集東亭幽窓獨几橫素經春陰沿砌衆草
碧晚霽入簾群山青通衢囂喧競車馬曲巷絃歌雜
遊冶豈知紛然城市中幽棲亦有山林雅興來拂石
彈清琴一曲一觴諧孤音晴天雀啁松林靜日午雞
鳴蘿徑深君不見花萼樓中五王宴艷舞酣歌何用
笑 聖朝爲善有賢王誰當更作東平傳

東麓行

孤塵之山何處來平地突起真奇哉南條荆衡遠萃
律北固鍾蔣爭崔嵬逶迤嘉山勢斷絕孟瀆河流復
如截詎知山水自有情河底巨石深構結側循平麓

折以東左環右抱群峯同羽舍僧房溪壑外唐碑宋
碣莓苔中楊子江流接滄海波濤萬頃流雲彩漁叢
趁雨行白沙賈舶乘風出蒼靄地幽域勝稱前古傑
士挺生兼文武面水背山築草堂種菊栽榴成花塢
靜榻焚香坐書亭捲簾獨誦南華經竹間鶴舞清風
至花下鶯啼白日冥洞石巖巖多古跡間來踞坐仍
岸幘掃徑時開蔣詡尊看山每載謝安屐傍山蔘松
幾千畝風來似聽蛟龍吼間采松苓供午殮仍取松
花釀春酒麓堂樂事浩無邊 君恩何得遂歸田丈
夫報國豈應祿憂樂從來有後先

放歌贈劉貞菴

舉世交游重黃金黃金不多交不深床頭一日黃金
盡空庭寂寞誰招尋舉世交游重要勢望塵遙拜甘
奴隸廷尉一日忽罷歸門下賓朋皆遠逝犀筋鸞刀
樂廣筵趙舞吳歌日流連當時意氣直相許落窅何
曾相提牽江河世變嗟愈下紛紛輕薄全文寡瀾傾
波倒挽不能安得砥柱中流者貞菴元是西蜀豪芥
取科名榜次高大才不受樊籠縛遠志寧甘俗吏勞
扁舟南下武昌水瀟湘洞庭生眼底沉芷遙吟公子
思澤花暝見湘娥倚十年塵路倦奔游對君不覺孤

情投輿圖風壤動劇論山川人物歸宜搜海思岳情
不可極意氣須臾膠在漆世人重勢與重金豈知結
交非賢達春江晴日發綵舫勸君倒我沙頭甌相思
後夜知何處目斷長湖煙樹青

惜別行贈東湖中丞

昨年七月江風清黃鶴高樓引別旌遠道不辭跋涉
苦孤筵豈盡分離情東經赤壁波濤急北向黃河雲
霧入檐惟到處訪民風轉徙流離可於邑迢遞更登
風雨途太行綿邈巨神都丹心不共星霜變赤手期
將日月扶 五鳳樓前上封事讜論忠言不知忌敢

君三五積年心齊名二八平生志鄙臺崇秋霜老臣
永保夷態多回囂節鉞湖湘巡歷再舟車梁衛往來
頻漢陽城外梅花白大別山頭雪盈尺忽報斧斨臨
憲臺沸地歡聲聞嘖嘖別君英采僅半年江雲江樹
日馳懸顛衣迎報思急見乘輿遂登夏口船相看歡
劇欲絕倒呼童檢筒尋疏草坐深論事多感傷聊持
盃酒開懷抱新正始得會武昌二月扁舟上岳陽我
行草草亦駐岳君復移旌辰與常千里遣使授詩軸
再拜開緘誦長牘句宗李杜珠璣呈字逼蘇黃龍虎
伏顧余淺薄何敢當多君獎予再謙光欲行不行嘆

睽阻悵望孤雲空斷腸洞庭萬頃煙漠漠安得瞻依
復如昨請君竣事即還朝早見功名畫麟閣

卻金圖贈王希賢

古人不愛金卻金至今傳今人每不能詎若古人賢
憶昔貂豎竊柄權錦衣械繫多逮連翻手可生覆可
死不得惜身寧惜錢王侯王侯獨不然炎蒸汗膚濯
清泉糜糟藉醜盃獨捐較之古人爲尤難吁嗟難事
古人專安得信史復書王侯之事於千年

壽呂母太孺人七十

蒲陽六月雨新霽堂北萱花媚幽砌深臺光含片月

明疎簾香動薰風細憶昔年當二十餘二孤正失嚴
怙初栢舟自誓甘獨守七十年來一日如教子成名
身顯達諫諍獨能持國法忠鯁不憂外郡遷正直迄
抗中官壓諸孫文采更出奇省元聲稱四海知顯也
發解乃餘事射策君門立可期綺筵綉幙鳴絲竹開
尊且受長生祝文孫拜舞樂有儀賢子逮繫心何惡
從來養志湏名立况今 天子昭皇極海宇咸歌在
宥仁誰道賢良滯登陟黃門器識早不凡岷律標槃
能巖巖賜環豈但復舊職推轂即當拜新銜大行直
抵燕山北迎養迢迢赴京國錦幕重開玳瑁筵泥封

更被珠霞錫婺星入夜騰輝光王母桃熟流仙槩眼
見子孫復若此胡不日醉九華觴

尹太史祀南嶽贈別

七十二峯皆名峯芙蓉紫蓋標層穹中間最高惟祝
融開闢以來封祀同有靈咫尺山之東壘壘古塚維
神農南望九疑煙冥濛孤墳迴眺悲重瞳 聖王應
期乘六龍祀禮持遣儒臣隆羨君茲行實遭逢奇觀
勝覽應無窮九江七澤一目空何羨當時太史公

送王簿之新會

作詩送行十載前爾為巡檢我初遷作詩送行十載

後爾爲主簿我官舊我巡閩楚及兩河但見處處窮
民多莫言東廣獨饒富佐令殷民在丞簿

題時苗留犢圖

昔日單車過東麓止有牛兮未有犢此犢原從壽春
生此犢還留壽春畜世人紛紛羸黃金誰識君侯留
犢心古人高行非矯激觀圖我思古人深

和見素贈鍾侍御

颶風欲起海雲亂旭日將出扶桑爛君才表表梅嶺
南民頌洋洋閩海畔鳳閣徵書墨未乾柳亭別酒
春將半行囊惟有素翁文凜凜南山不移判筆陣縱

橫風雨驚詞源起伏珠璣燦素翁平生慎許可讀罷
令人發長嘆萬里清風聽鳳鳴繡衣白日當霄漢

題畫

信安山中石壁立萬樹陰陰畫森寂石上仙人對奕
碁不知塵世更幾曆樵夫深入捫青蘿偶向桃花洞
口過坐觀勝負纔一局起看已爛腰間柯

贈徐通判文瑞

湖南初入西江境庶民樂業安田井爲言致此豈無
因徐侯撫字能不猛湏臾郵舍見徐侯有言方入意
先投光祿舊聲留帝國循良令譽稱袁州坐久起立

禮愈敬為言先君受封命月湖太史信筆存求我揮
毫發長詠封君墓木拱多年遺行士論空流傳匆匆
短述塞君意豈有高作揚幽玄別來遣使索書卷顧
余久病踈筆硯感君明義及我深數語臨風抒鄙見
徐侯許身重南金耿耿平生忠孝心顯親豈必崇官
秩留取遺惠垂棠陰

畫菜贈劉汝澄

左丞先生樂東圃平生志意期前古致身廊廟雖顯
榮矢操冰檠猶清苦陳情累疏思高堂買舟即日返
故鄉檢囊見人贈清畫臨別索我書長章媿余譾薄

非作者羨渠澹妙何善寫宛疑身入東圃中滿前生
意動瀟灑知時好雨潤盈盈土膏踈活皆流形但是
園林分秀色含芽吐甲咸知名惟此一種清扶踈曾
向仙厨誇土酥圃搖黃白花亦艷畦兼青紫葉還殊
刈萱采菊雖本味流品曾不同其途此種從來稱嘉
素四時清腸堪敷飫春初鮮韭剪夜畦秋晚青菘摘
曉露夏葵正想滑流匙冬齏齒濺冰霜五年或不熟
遂成饑漆室有憂憂弗餉梁肉厭時此忽陳偏與芳
筵助雋永不是胸中萬畝春安得筆端生意迴先生
嗜此似成癖咬根嚼葉能終日所以寧藩福禍時情

忠出抗無能匹葦爾孤城建大功
耿動還謝菜之力
此趣但爲吾黨傳莫令此色生窮簷
請君早爲蒼生
起時剪清蹠共夜談

送雷世惠之龍州

秋高風聲吼如虎崇文門外飛塵土
把酒臨風發浩
歌拔劍斫地還起舞憶昔南贛用兵時
贊畫何如六
出奇洪水統閩稱絕險一時殄滅筭無遺
寧藩忽爾
干天紀風傳郡邑皆騷靡募兵庾嶺旅若林
擒賊鄙
湖血成水陽明松月共成功幕士奮起皆精忠
捷書
錄功豈不備宣室論賞其能同龍州西入巴川道小

溪古城相縈抱鉦鼓秋鳴關塞深風霜曉動松杉老
濟世應忘蜀道長亦知履險同康莊自古男兒重弧
矢即今荒服盡冠裳 聖王御極徧懷柔豪傑成功
多偃蹇由來公論久須明際會風雲應未晚

房村紀變時遇朱鶴坡

黑風吹沙從西來黑雲拖雨平地厯野陰昏爍電四
作繞空霹靂轟驚雷劃如蛟龍崩崖壑豈但龜兕吼
叢薄黃河濁浪勢山摧砰騰疑倒天河落故人盃酒
招我論忽遭此變愁顛翻掀篷破牖處處濕坐立無
所皆驚喧舟人冒雨加長纜岸頭高柳折將半傾危

不但檜楸憂淪沒還與閭井嘆 皇天豈忍吾民
連年災異何頻仍天門九重闈者守萬口叫號徒
增歡聲忽聽兒童語天霽波平堪迴檜楸感此但願
雨時無災寸地收禾黍

送諸子伊還會稽

西山一夜千峯白長安雪花飛九陌大野寒陰動別
筵澤草欲萌春凍壓千樹萬樹玉嶙峋來車去馬淨
無塵君不見容臺才子歸東越文旌一片搖寒旻

挽陳母太孺人

恩節昔巡西蜀時令子索我壽萱詩詩成未寄萱已
謝乃今含淚復哀詞清閨苦節宛生死驪馬玉堂成
二子母儀婦節永流傳吳山蒼蒼映吳水

栢林贈吳封君

隱君種栢森成林直幹繁枝千樹陰半夜雪霜珠璣
綴滿山風雨蛟龍吟玄冬萬木紛凋壞古色蒼顏長
不敗豈是栽培借土膏無乃扶持由直宰栢子今成
植內臺明堂已卜棟梁材山南山北應寵麗更見恩
光回草萊

圖山歌

獨城東北圖山時聯給諸峯千萬里上臨木

展不障長江迴海水中流突起金與焦線縹緲
石耳何如平地立嶮岼惟有北固差可擬山南北
惟古松石洞窈窕雲霞封乘鶴仙人來海上瓊瑤玉
珮遙相從瓜洲市口中天月揚子江心半夜鍾白臺
長風號樹杪洪波萬頃開芙蓉圖樵隱君今六十綺
席錦堂冠蓋集桂子蘭孫舞袖同世間美福誰能及
藜杖葛巾野趣多藥欄花塢幽香襲童顏華髮歲歲
同囊中已貯金丹粒

送青谿趙尚書致仕

尚書屢上明農疏歸興飄然欲東去仕路驅馳四十

年同袍落落晨星邊温肯勉留至再三弼教明刑鄉
所諳惠流到處成霖雨聲譽平生斗以南年及審知
進退義情切能回 聖主意特允歸田禮數優傾朝
嘖嘖咸嗟異月有廩粟供閒身歲給儻丁候隱門歸
路迢遙許馳驛偃仰食坐皆 殊恩 龍章寵錫歸
休勅 天語諄諄叙功德一生忠孝不敢違千載遭
逢豈易得長安忽報中使馳 御墨淋漓復賜詩摩
歌暗想唐虞盛曠典驚傳 聖代竒崇文門外人聲
闕文紳武弁相追送觀者紛紛塞道周九衢但見塵
埃動青州山水天下名風光隨處可陶情竹徑琴琴

行見鶴松亭隱几坐聞鶯人生出處須自識世間富
貴豈有極鳳翔千仞覽德輝鴻飛冥冥誰能弋尚書
尚書真丈夫誰道休官林下無兩疏自昔傳畫圖高
節清風公與俱

送簡菴陳尚書

都門曉雨靜塵埃供張東郊清宴開冠蓋屯雲曳玉
珮笙歌沸鼎傾金壘司空自甘掌邦土白下從來稱
天府鶴袍犀帶開渥頰煙水雲山照花塢憶昔踈庸
後楚時使君督木同安危鄱陽湖裏俄聞變黃鶴樓
中細和詩 聖明天子龍飛日余亦隨君同晉秩赤

墀鴛鷺每聯班畫省杯盤時促席情深偏覺別離難
短句何能寫肺肝節旄欲分仍執手柳枝堪折且停
鞍會稽奇勝天下少耶溪鑑湖春縹緲請君早畢蓋
世功歸結雲蘿向幽島

壽羅石齋

昔日桃林花似織今日桃林花結實詎知相隔三千
年林間仙子纔八十堂上瓊筵歌坻澠塔前綵服舞
雲仍桃花桃實春長在莫使漁人問武陵

壽菊莊溫封君

錦江秋水匯三巴曠野扶疎萬菊花翠蓋隔籬圍宿

露金錢當戶隱朝霞菊翁對菊心偏喜賓從當筵祝
華紀席上玉色槽新醅盤中銀絲鱠鮮鯉憶昔薇垣
勇退時孤琴獨鶴遙相隨行藏不負平生志勲業猶
存去後思行樂林泉子十載黑髮朱顏仍不改萬里
橋頭日正舒百花潭畔春長在天官令子持衡銓講
幄論思積歲年承親 溫旨傳三殿侍 帝恩光照
兩川父子公卿今古少西望峨眉白雲渺歲歲瞻雲
奉親壽南極高映長空曉

三隱行贈趙充父

朝回西軒手書讀故人遣使持綃幅素壁高懸氣象

新冉冉烟雲動晴屋槎牙古樹凌空寥塌來三隱誰
見招春風策蹇花片撲綠莎白棘山迢遙前招後顧
疑喚答小僮行指相回沓人言前者李與杜就中浩
然同會合少陵衡湘住幾年太白曾上華山巔鹿門
閑訪梅花雪千載風流作偶然畫師意匠不可測見
此三隱回神色滄江秋靜衆木幽玄島風清孤屋仄
故人故人西江彥南征將此胡用羨杏園來歲花垂
林馬蹄看踏長安遍

贈黃日者

小園昨夜東風顛桃花李花爭春妍蜂蝶紛紛正道

逐滿地落紅亦可憐
河水凍冽時寒洩
萬木蕭蕭傷歲暮
誰知風雪飄零中
一竹一松色如故

送鄧君還白下

秋風九月動郊寒
送客都門促錦鞍
平野涼雲依席近
短籬新菊過霜殘
離筵莫惜頻勸酒
世事參差無不有
滄海幾度揚飛塵
白衣倏忽成蒼狗
龍樓鳳闕高嵯峨
玉河水搖晴波
帝城綺麗誇燕薊
更問留都景若何
君居留都三十載
兩京文物屬君采
西昌君家三徑存
莫使菊松久相待

送劉克明

都門行蓋飛輕埃
欲行不行黃金臺
風起石林雲色動
霜清野館菊花開
秦州山水舊奇絕
治中官階非忝竊
作官何必較卑崇
爲政但使民心悅
使君素行重鄉人
六幕參軍自致身
臨事小心持筭鑰
一言不妄投
鈎緡秦民今喜得
賢牧次第春風回
白屋異最賢聲入薦書
萬里雲程看馳逐

守菴行贈楊千兵

守菴肥遯居毘陵
海內人士皆推稱
高秋古栢出枝幹
遠漢冥鴻辭弋絀
憶昔鳳山撫三楚
我以巡行同遊處
君嘗乘輿過武昌
栢臺匆卒片時語
別來雲海

阻孤期重見都城慰我思不覺歡呼動逆旅併將
氣投深卮聞君搆菴扁一守持身一立萬事有豈謂
防城心可寧亦知歌噐名不朽古來賢達羨鴟夷千
金屢散無留疑功成不受樊籠縛五湖浩渺扁舟移
寥寥千載誰能繼吁嗟豪傑跡陵替多君高義振里
閭更見慷慨活桑翳東郭霜寒籬菊黃野亭雲薄秋
筵張江新水漲歸棹急臨觴不樂思故鄉人世蹤跡
徒聚散惟有煙霞長留盼柴門雀噪日脚斜北瞻長
安五雲爛

瞻筠子壽歌

姑蘇城外綵雲飛南極流光動夜輝鶴髮仙翁春晝
讌錦衣遊子 楓宸歸仙翁少年工儒術曾向都門
瞻化日財橐能盈萬鎰金幕功坐授千兵秩春風得
意早知還良園廣廈何高閒疊石危橋斜度水結茅
精舍半臨山山石盤折徑回阻瀑布懸崖畫飛雨對
月將琴坐石牀看雲倚杖臨沙渚平生一步恐忘親
風木之思恒苦辛先代清亭傳聽竹幽軒側扁出瞻
筠連翩戲舞何焯約七月新涼入簾幕殷殷春堂鼓
吹喧沉沉夜宴燈花落四方賓從集續紛遙見仙城
五色雲七十身輕自嬰鑠百年和氣回

高石如砥震澤激平波
搖綺湖山日月遊
歲歲娛甘旨

送林石厓

自下遙瞻紫氣分
山川佳麗古今聞
城廻江水清連海
地擁金陵秀入雲
出郭傍山列棘寺
法司牙連署曹異
長堤烟柳裊春輝
後湖霜荻凝秋意
南都遊宦似仙家
覺道平開十里沙
仕途欲此不可得
况復鄉堂秩品加
石厓元是臺端彥
幾年出入承明殿
兩畿髦又屬鈞陶
春風奕李門墻遍
郊亭日出祖筵開
翩翩冠蓋飛塵埃
雲輕曙色飄輿幌
雪霽餘寒入酒杯

潞河草綠春冰解
晚帆陰正風力改
簫鼓不鳴白晝閑
綵筆鸞箋任揮灑
桃花如錦柳如綿
二月江東正泊船
新鴻目送三山外
舊館心驚十載前
聖主用人常不次
君席未溫當召至
我今多病歸興生
躊躇後會知何地

送朱天錫令羅成

平明鐘鼓開闔闔
萬國衣冠紛雲合
忽聞選部奏封函
立召天官升御榻
須臾放榜懸天街
中外官銜出俊才
邑令從來專簡命
故人今喜拜清階
憶昔真州初會日
我方九齡向君揖
老父門墻足幾人
恩義未

隆君第一別來三十有六年京國重逢喜欲顛對牀
風雨論心事近市肴蔬列酒筵南服輿圖雄五嶺撫
宇不須專簿領百里春風弦誦聲千村夜月桑麻影
長亭柳色映陂陵聚散無端感慨興願見劄書推異
政一使鵬翮快飛騰

壽翟太夫人七十

黃金闕迥鐘聲靜宗伯堂深鼓吹喧香惹衣冠來御
座日臨簾幙映晴瑩瑤池遙降西王母出手蟠桃大
如斗金帶生花展賜衣瓊筵戲綵行春酒列屋冰盤
暑不侵填門賓客集纓簪共誇畫錦娛親意不負九

能教子心憶昔栢舟初誓日綜理閨門何嚴秩時脩
甘旨奉姑嫜日課兒曹親紙筆冰霜苦節世應稀孟
母芳名今並輝教取尺綵添衣服難將寸草報春暉
志養色承常不改行看相子調商鼎 龍章羨錫寵
恩頻慈顏白髮搔春海

送王僉憲克明之江西

三月 皇都春初暖翩翩冠蓋出郵館園桃映日紅
可憐岸柳含風青尚短舉盃不盡別離情執手躊躇
肝膽傾簫鼓聲喧行潞渚江湖水合見溢城豫章堂
堂開憲府青年衣繡兼持斧南浦朝飛六月霜西山

晚拂三春雨憶昔廬陵秉節時甘棠遺愛至今思
心但欲明三尺暮夜何須畏四知逆藩忽起非常變
百萬貔貅親督戰渠魁早縛彭蠡湖捷書飛報通明
殿謙冲緘口不言功異哉功同賞不同理寺三年惟
執法遷書五上始登庸君才卓犖豈諧俗英純堪比
崑山玉霖雨終爲天下蘇陽和且布江西福滕王傑
閣凌青霄公暇登臨逸與高天南天北多鴻鴈莫遣
音塵久寂寥

送李鏡石審刑湖湘

明時慎治重祥刑太一之垣懸法星士師明允傳虞

代老吏章程重漢庭五年一度開 恩勅刑官真有
回生力但教情法可矜疑憂愁頓易歡忻色使君元
是出群才 簡命親承下九陔都門使駕出花暮親
交餞送移尊壘潞河新水迎官舫鄱湖巨漲翻江長
繡服爭誇白晝行綵衣還稱青春養三楚郡邑何渺
茫南至衡永北荆襄洗冤到處皆霖雨轍迹寧辭周
道旁深刻年來號能吏雷蚊市虎嗟文致君行服念
須求生仰體吾 皇欽恤意憶君總角驟文名南北
刑曹燁政聲奸伏不遺同鏡察重輕適當齊衡平洞
庭萬頃烟濤碧七十二峯森劍戟公餘莫爲山水留

聖主求賢方側席

邠州道中

幽州諸山遠維絡山間古道由人鑿此身疑是上雲
霄前驅忽已下叢薄憶昔太王據此險狄人胡爲敢
侵掠從來尚德棄末爭仁義何曾論強弱 聖朝功
德酬百王自古輿圖此弘廓牧耕直抵賀蘭山赫赫
威聲振沙漠嗚呼皇圖弘廓應如昨守成之難難創
作今日安邊責經畧安得將軍如衛霍

破虜行賀太保王荆山

朔胡六目寇邊城花馬池頭烽火明緣邊諜騎相聯

絡一日能傳千里聲帷幄之中定籌策壯士如林分
險阨黑水營中列羽旄青楊嶺下森矛戟蠶茲螳臂
敢突衝頃刻殲除破竹中風送殺聲出紫塞雲騰陣
氣延蒼穹三邊將士皆精銳督府煌煌多節制趙括
徒能讀父書陳平何用誇竒計六軍韃橐凱歌歸羽
檄馳聲白晝飛寶劍星文明霽彩鐵衣雪色回炎威
兒童父老擁道側數十年來此功德千屯明月沸絃
謳萬畝黃雲迷稼穡荆翁神采出風塵到處聲名皆
動人 三朝事業銘鍾鼎一代忠貞表縉紳昔日飄
然嘗拂袖 聖明特詔優耆舊爭傳北虜已驚韓共

喜西秦還借寇捷書夜報建章宮 廊廟咸誇第一
功文武全才今古少華夷一統車書同 九重親見
天顏喜宮保新銜榮莫比子孫振振襲錦衣使者迢
迢錫金綺 黃麻即日召還朝咫尺清光近帝堯頤
使海隅登壽域豈徒邊塞讐天驕蕭蕭行旆迴琴鶴
處處陽春真有脚羽儀會見鳳凰池丹青定列麒麟
閣

贈九嶷侍御

昨歲六月過醴泉力疾謁君君設筵君知吾性素能
飲各色名酒皆我傳媿我病怯但沾口喜君興劇如
倒川夜闌忽見風動席坐久不覺月中天今年二月
重過此一笑相看如夢前豪來痛飲不辭醉安知會
晤非宿緣憶昔兩河回事日于今屈指十三年羨君
勇退早解綬歎我潦倒仍行邊高擁麥苗舍宿雨長
堤柳色搖晴煙對君惻惻不忍別落日孤情聊短篇

渡河

去年渡河河水漲排空轟雷掀濁浪長年挾柁不接
水舟人不覺心膽喪今年渡河河水平和風晴日微
波生舟中坐席猶未煖岸傍候吏已相迎河方河方
無夷險去年水添今歲減半生踪跡遍塵寰茲河每

渡徒自感

送吳令入覲

仁山翠律晴空倚文江江頭沙瀟瀟樓船穩逐江水
流棹歌徐趁山風起侯今述職上神州白叟黃童挽
莫留一錢不受行囊溢千里相隨獨鶴幽節旌蒞邑
纔數月善政及民民大悅古今感應真在心賢侯愛
民心倍切昔年水旱嗟相仍今歲五穀皆豐登素誇
文水科名盛謝生首解尤堪稱白晝蒲鞭訟庭寂閭
閻欣樂寡愁戚曉窻殘月讀書燈春墉斜楊牧牛笛
聖主憂民重守令簡拔賢能欲久任 太平有象田
里安側僻無虞海宇慶鄙湖春水帶餘寒楊柳青青
漸拂灣使節早須天上至莫教父老苦江干

河間道中風霾

黑風捲地從北來沙翻石走如轟雷人馬咫尺莫可
辨舉目天地皆塵埃三月狂風吼旬日何事今朝勢
轉疾吁嗟豈但行路難傷我麥收已無及茫茫四野
盡昏迷拳跼半步誰能移商林顧望惟五里迢遞何
異天之涯停久忽見微光入排風強行行復立遲回
薄暮到城南濱海飛波濺衣濕東悟刺史吾同年下
車一見心陶然握手共憐行役苦夜堂秉燭開華筵

乍離驚恐未全樂時聽風聲動屋簷但願沉酣入醉鄉此身漂泊從忘却

浣溪書屋

少陵草堂久蕪沒宇宙大名誦童孺千年氣味誰相同書屋今看復突兀成都范子天下蒙榮名輕視如鴻毛姓字已通今瑣籍蠹魚不厭芸窗勞結屋數椽傍溪水左列圖書右經史萬里橋頭春色深百花潭畔寒光地閑來策杖步溪邊布襪青鞋行仙仙谷口班荆月隨坐巖前枕石雲伴眠浣溪樂事知無涯日夕溪光映彩霞何物老僧留異跡至今溪水仍成花

江流并入看朝宗澤物餘波到處同海隅正切沾濡望江省先收潤澤功夫夫濟世應如此深源活活來無已花鳥新篇徒麗玉山川陳跡空形似慚余涓勺無裨補幽樓早託文江滸故人相見不勝情鐘前醉歌還起舞停杯悵然憶故居娟娟翠篠映紅蕖他年倘聽滄浪調寄我西江雙鯉魚

東莊行

彭生讀書龍華寺高情特厚通家誼袖中出示東莊圖展玩令人喜不置汝翁早歲富文章數奇知寡無明揚深山佳地豈偶得書屋游息時行處

懸秀野秀色滿前非人假四山環合自天然一水周
遭還屋下種蓮還向中通亭四維亭中栽種幾觀物
託名足深意倚闕屹立秋空屏靜室幽棲名三我捲
簾一一芙蓉朵可憐明月與清風別作交游供吟卧
小院深沉月遂敞獨坐春風動遐想傍墻桃李入雲
齊遶砌蓀蘭隨雨長樓云後樂企先憂一徑徘徊竹
樹秋濯清時向溪邊過拾翠閒依檻側遊日新亭下
水如練掃臺焚香落花片舉頭忽爾北辰臨把菊悠
然南山見咫尺勝地吉水陽何日握衣上爾堂便應
獨發王獻與夜雪孤檣鳴滄浪水厓先生負時望狂

瀾急流屹孤嶂留餘今已羨多賢遠到將來詎可量
簪纓代盛世所無翰林方岳俱大儒彭生彭生偉丈
夫致身及早登亨衢東莊雖美僻一隅區區守此胡
爲乎胡不萬間廣厦垂大庇坐令四海皆康娛

新構

隱君新構豈無意肥遯自分深山避紫陌塵中奔走
難白雲洞裏招尋易淨几低張杉棟高踈簾半捲茅
堂邃層厓疊嶂畫圖開明月清風朝暮至小園寒露
濕篔簹松方沼晴波浮荷芰清曉盈盈開草門有客翻
翻來雲騎深夜杯長不愛眠主人情重常先醉惜前

桂長六連芳堂上花開雙並蒂長兒泮水著文名雪
案芸窓飽經詩莫言此日大門閭他時擬待容車駟

永思三首

女永思兮在高椿欲往從之杳無因側身遙念涕霑
巾父兮生女女不識何以報此天罔極九原相隔空
反側能不永思心悽惻

女永思兮在幽萱欲往從之杳無緣側身遙念忽慄
魂母兮鞠女女所見何以報此手中線九原相隔空
繾綣能不永思心迴戀

女永思兮在繁棣欲往從之杳無即側身遙念涕霑
臆兄兮穀女女有成何以報此春庭荆九原相隔空
屏營能不永思心煩縈

達泉贈龍隱士

六月雷聲忽送雨千溝萬澗皆盈水一盈一涸頃刻
耳吁嗟無本乃如此嶺口清泉何悠悠沿溪芳樹映
青洲獨坐默思出源意濯纓不斷看泉流

來鶴贈李侍史

白鶴隨琴昔入蜀鶴淚一聲琴一曲寥寥千載無知
音白雲常在深山宿洪州膏澤布蒿萊鐵面豸冠重
栢臺靈物豈應無感召秋風萬里特飛來

雙挽爲劉秋官題

慈烏夜啼欲血遊子思親肝腸裂此生莫報罔極
恩幸沾寸祿養無及遺書積架手澤存北堂機杼間
黃昏石獸雙蹲墓草青穹碑大書留 皇言

題畫

楊柳牽風舞欲低
薔薇葉盛花映溪
溶溶春畦燕掠泥
數聲啼鳥竹塘西
曲欄偏稱石巖小
牡丹花開還窈窕
鴛鴦兩兩戲晴波
水晶簾幕東風曉

贈潘侍御

烏臺侍吏負竒傑
操比冰玉之清潔
帝曰巡狩代

朕行天下生齒繁
兩浙繡斧霜威六
月寒閭閻風謠
到處觀一函親奏
肅糾彈百寮回首
惠文冠

題米元章書顏魯公事蹟

魯公忠義昭天日
天子當年胡不識
神仙之說還有
無大名元不因仙
得米生字畫妙入
神坡翁精鑒真
寡倫扶忠抑佞數
語足英風百世傳
奇珍

題自續圖壽邊母

晝漏沉沉高閣遙
阿兒騎馬初退朝
秋月上簾尤欲入
北堂短檠夜方績
辛勤但知事女紅
敢云祿食驕侈崇
季婦早動宣尼嘆
邊母異代將無同

袁赤榮光圖

東風吹雲散無跡月光倒浸池塘白梅花本是寒谷
姿亦有葵心傾暘赤誰掃毫素成此圖豈是萋草丹
青徒博文堂上春如海賢名千古東平俱

三仙圖贈金時躍壽親

海雲縹緲炯弧星層厓古松煙霧冥飄飄三仙來
颺迤扶桑日曉群峯青畫師能寫壽親意遊子天涯思
養志春風畫錦堂簾深鐵冠多服承天賜

會盟臺

強秦當日肆狼威相如數語完璧歸擊缶之音和鼓
瑟長平從此兆危機古臺會盟今寂寞浮埃莽莽誰
強弱惟有春風長樹枝年年花開又花落

贈吳立

世人相貌不相心吉凶往往多浮沉世人好諛不好
直每道塵埃難物色我迴宦轍三十年乃見吳生獨
不然逢人開口便直言人已心逆猶便便自稱鬼眼
得真傳江湖買醉貧無錢見者不名呼以仙我今多
病欲歸田與君縱飲心延緣許我拂衣何當旋庭空
日轉花影前君思已酣吾欲眠思酣索我新句捐群
公珠玉爛紛綿力疾揮毫羞短篇

望雲歌爲化卿題

戊戌四月十一日仙母初度逢七十令郎使節駐雲
中望雲遙祝情無極憶昔丙子臨文場息國李黃名
並揚一榜兼收士論愜况登甲第同翺翔李生賦性
本孤介仕途齟齬何足恠驅馳邊徼恒自如輕視浮
雲渾草芥胡爲已夾當斯時相逢此地事尤奇慚媿
昨年負宿約殷勤索我賦新詩舉目中州太行遠雲
中瞻雲更繾綣遊子天涯獻壽觴北堂萱草明秋晚
養志豈論官崇卑進賢自合歸端揆人心咸願天不
違程冠輝輝華髮宜

東塘集卷之二

東塘集卷之三

吉水 毛伯溫 著

五言律詩一百首

西店驛

西店偶停驂遠山日半含風聲來樹杪雲氣滿溪南
近暮逢田叟孤燈得夜談明朝又行役傍險我初諳

夜過房村

夜過房村驛樓傳鼓四更棹歌聞市寂漁火辨沙明
雲動星移影颯恬水送聲孤舟渾不寐獨對一燈清

春雨寫懷和夏千中四首

春眠苦無足天氣寒煥間綠入煙中柳青添雨後山
微吟乘野興獨酌破愁顏目斷江南路長空一鳥還
滿城風雨惡最苦宦遊人山色偏宜晚花香已及春
野雲度牆細徑草拂煙新古調中林急遙聞淚濕巾
夜來風雨急無計挽春歸柳暗鶯聲澁山遙鴈影微
泥深愁怯馬夢遠失歡衣花落紛盈把應憐過蝶稀
夜雨灑窓密嚴城漏刻遲通宵渾不寐到處有號饑
頻報南河急長勞北闕思救時無善策鬢髮欲成絲

素菴

淦淦貴溪水頽然見此翁獨眠雲洞石長嘯竹林風

酌酒醒疑醉吟詩拙近工柴門老松菊應不換三公

送曹侍御時範

遊子念甘旨南臺擢老成繡衣歸故里春酒祝長生
誰信持風裁兼能盡孝情慚余濫同選何日返江城

送友人之任

南郭塵初動長亭客正行莫辭今日酒聊盡故鄉情
遠樹晴雲合青山落照明蒼生計蕭索引領望昇平

即席和李春山

萬里同年會衣冠集一堂詩成慚我拙醉去覺誰狂
春莫林鶯老雨餘庭草長江湖與廓廟憂樂豈相妨

挽葉處士

金臺有佳士遺世今幾年未向生前識能令沒後憐
朝紳多舊友野史有新編何處尋踪跡春原啼杜鵑
送友人司教郟城

太學馳聲舊彤墀拜命新官綠身作範教與德爲鄰
泗水便歸棹郟城謁後塵宦遊多別思莫訝酒杯頻

送沈生

三月頻送客城東草色深飛花忽一片別酒豁余襟
堂上雙親念天涯遊子心衣冠得歸省棠棣滿庭陰

挽節婦

孤兒非不念舅姑恩亦深葬夫在明日及泉見我心
從容輕一死貞烈重南金墓道千年石何人爲刻陰

送劉咸表之涉

驛路多風雨聯舟憶往年都城纔下榻野館又離筵
夜月絃歌市春風禾黍田明時重循吏不日召君還

追封爲程廷平賦

舊學傳三歲恩光到九泉仁人應有後家世已無前
拱木冥秋雨哀猿咽暮煙君親何以報期不媿先賢

思愛

椿樹嗟早瘁萱花喜晚明遠遊經幾載感念難爲情

挽葉處士

金臺有佳士遺世今幾年未向前識能令沒後憐
朝紳多舊友野史有新編何處尋踪跡春原啼杜鵑

送友人司教郟城

太學馳聲舊彤墀拜命新官緣身作範教與德爲鄰
泗水便歸棹郟城謁後塵宦遊多別思莫訝酒杯頻

送沈生

三月頻送客城東草色深飛花忽一片別酒豁余襟
堂上雙親念天涯遊子衣冠得歸省棠棣滿庭陰

挽節婦

孤兒非不念舅姑恩亦深葬夫在明日及泉見我心
從容輕一死貞烈重南金墓道千年石何人爲刻陰

送劉咸表之涉

驛路多風雨聯舟憶往年都城纔下榻野館又離筵
夜月絃歌市春風禾黍田明時重循吏不日召君還
追封爲程廷平賦

傳三殿恩光到九泉仁人應有後家世已無前
拱木冥秋雨哀猿咽暮煙君親何以報期不媿先賢
思愛

椿樹嗟早瘁萱花喜晚明遠遊經幾載感念難爲情

秋隴松楸雨曉窓機杼聲故山渺千里相望月同明

七級阻水簡劉子靜二首

六月苦炎熱扁舟倚閘河斷流修短壩拽綵發長歌
咫尺一程近遷迤八日多皇天久不雨側目仰滂沱
東平不可到何日是開河對月添詩思臨風一醉歌
長途襪襪少高壠桔槔多舉目仙舟在渾如隔漢沱
一 七級得水復遇子靜

平地漲新水舟人喜欲顛棹歌連夜發林月向人圓
乘此下長閘何當舞醉筵與君今日會渾不羨班仙

台山訪姜源甫

二十年前別台山寺始逢垂髻筆研共此日宦游同
展叙傾肝膽睽違嘆梗蓬相期仍白首無負古人風

訪江有之

聞道雙溪勝乾坤此日遊群山環碧障二水合青洲
風雨連床夜蘋蘩滿目秋相看意不極回首仲宣樓
題尚市舶新建橋樓

樓接星辰近橋橫海水平春風千里望寒雨萬人行
木石非徵斂梯航仰

聖明信碑鐫太史不朽尚公名

和韻贈夏公謹四首

幾載夢中似此時相見真望孤江右月喜共粵南春
對酒日將暮通家情更親羨君有佳句遺贈不嫌頻
世事日瀾倒誰能障百川斯文今有託吾土故多賢
詩句黃初上心思太始前劇談渾不厭山月照人圓
論文何處洽春草靜觀亭不盡圖書意全忘爾汝形
野雲陰更白庭樹晚能青忽動乘槎興飄思到海濱
南國有佳士新從何處來倒衣還命席把酒共登臺
憶昨愁懷結憐今笑口開日斜情不盡欲別更徘徊

送詹汝化

閩粵佳山水武夷更岷音春風迴眺處江蓑送行時

心與雲天薄情堪歲月移雙溪憑寄語夜夢幾追隨

贈見素先生四首

閩中林夫子高卧白雲鄉春水流花徑晴山映草堂
憂時雙鬢短報主寸心長何日東山起蒼生望治康
憶昔妖僧起炎炎勢莫當衆人皆側目夫子獨危章
逐客三窠地經時百鍊鋼奸諛今在否信史有輝光
湖湘渺千里訟獄動經年擿伏片言下輸情兩造先
可封將比屋高興忽歸田巾幘辭供帳飄然意獨仙
江右昔多事

朝廷起大賢先聲風偃草遺愛日如年正俗淫祠毀

哀窮宿賦蠲匡廬高萬丈仰止斗牛邊

竹田贈林尚書

分來淇水上半畝碧森森霧團朝日清風動晚陰
有松同勁節無物擬虛心試看兒孫長南閩第一林

訪夏于德新樓

聞道南樓勝遠從東粵來衣裳至顛倒杯酒共徘徊
山月中宵出池菱爲我開鄉人傳令弟早晚發金臺

崇仁阻雨劉振廷顧席間二首

山雨夜初急溪流朝已平客懷正無賴盃酒枉同傾
別久多心事談深見世情匆匆欲晨發更戀晚峯晴

聞道崇仁路還家三日程連宵風雨急到處澗溪鳴
久客懸歸思微勞簡

聖明荷君類見過因得叙深情

夜泊富陽

秋夜江風急樓船水月明汀沙散漁火煙樹隱山城
鴈逐星河沒蟲依草岸鳴鄉心愁欲絕何處擣衣聲

贈程和溪

兩浙風裁肅中臺御史良冰壺寒夜月玉釜駐秋霜
送別偶同席相逢俱異鄉還朝有封事金甌動明光

壽尚書海日翁

瑞氣凝蓬島僊翁駐玉顏清風明海白南極映龍山
綠野蔽春滿清尊照月閒北堂有慈母還戀舞衣斑

訪沈子京不偶二首

嘉禾乘小艇日晚到平湖客子投新宅主人謁舊區
兒童識面喜鳥雀過林呼對燭微吟罷秋風動渚蒲
別君六百日無日不思君春雨嶺南樹秋風湖外雲
相違今咫尺漫憶舊殷勤官舫渾忘寐林鴉亂夜分

送張汝立提學南畿二首

南畿多傑士師道重儒臣臺迥風霜夜門深桃李春
文風嗟日盛士習待君淳把袂臨岐路梅花映雪新

冠冕稱南服文章出翰林春風隨處有夜雪立門深
江漢源同委蘇湖化及今家傳真不忝延佇嗣徽音
送汝立歸途和曹汝學韻

冬日南郊路梅花已放春津橋車馬合野寺竹苔新
送客忍無淚吟詩覺有神歸途還酌酒况遇白衣人

歲暮對雪和曹霜厓

何處難忘酒千山盡白頭春前一日喜塞北幾人愁
歲暮多新事天涯獨小樓此時無一酌腸斷未能休

除夜和周貞菴

歲除懷往事客邸又明年官漏催殘燭僧房藉淺筵

我思開逸逕誰借買山錢自信成踈拙行藏莫問天
新正馬上和貞菴

勝地極歡娛樓榭豔且都春風回柳陌雲騎滿花衢
楚舞絃三弄燕歌酒百壺太平多樂事誰念萬方瘞

天厨迎 駕和周貞菴

入夜風微動中天月上初禮臣供帝祀
明主視天厨瑞氣凝仙仗清光接

聖裾駿奔屬臺長無事到庸樗

雙壽贈胡永齡

天上絲綸重人間歲月閒烏紗籠鶴髮珠翟映酡顏

梅雨三湘水晴雲萬里山使車歸錦畫春酒照瀟瀾

壽劉母

南陌風初軟北堂葵正明清輝騰午夜和氣動春城
膝下萊衣舞庭前珠履盈康強今八十况復際昇平

滄海遺珠壽王長史

萬頃波春淨千金珠夜明羊鬢天地壽龍領古今名
楚褐曾深襲魯藩復遠行掌中青瑣客南望獨關情

送曹司憲和韻

平生耽詩句底事誤儒冠性懶因成病心閑常自寬
煙霞多暮景松菊滿江干喜得難兄徒還同杖屨看

即席和韻送熊尚齊

相逢能幾日別酒又西堂梁燕留人語林花過雨香
辭朝恩命重報國簡書光好去青驄馬瞿塘六月霜

送王巡檢

五月仍無雨平田祇見塵正憂妨稼事那復送行人
月暗宵鳴柝雞鳴曉問津此行須努力當事莫逡巡

挽曾隱君

楚澤存高塚文江說世家山松雲外葉野薤露中花
令子承餘慶今朝拜寵嘉哀吟聊短述撫卷漫興嗟

送周貞菴擢南丞

南棘稱清要北臺推老成過家觀慈母計日到京城
三釜有珍異五刑無重輕湖山四時好且得麗詩情

九日登樓新舉人咸在

書樓初縱目節序忽驚心祠屋瞻賢像衣冠集士林
酒從文字飲天爲菊花陰來歲南宮捷殷勤報好音

送谷試官

吾祖門生衆惟君恩義多感時同下淚惜別不成歌
蕪雨長亭酒煙波古渡河五雲

金闕迥還擬共鳴珂

立春日雪和谷李空同

長風不作雪爲復作春寒未能隱凡卧時復捲簾看
彷彿起攬袂踟躕獨倚闌原野無樂歲肉食非所安
雪春夜坐和答空同

栢府明鑿夜春風釀雪時飄揚初入戶窈褻忽盈池
暗漏催更早耽晝就寢遲喜來思覓句不覺席頻移
餘雪和空同韻

積雪滿天地長空漫爾紛黃河漲新水嵩嶽捲殘雲
野色踈梅得寒光斷岸分間閻多笑語我輩亦欣欣
約會空同于釣不果和答

媿負釣臺約那堪長葛吟王猷雪夜興杜甫屋梁心

短麥紛青隴輕雲破碧岑百年幾開口交道重于今

唐府後園登山

石磴緣山曲林花過雨鮮草亭傍嘉樹雲竇瀉清泉
檻綠初垂柳池紅欲放蓮東平多樂事清晝且華筵
綠野堂留別

出郭僅三里清風動竹林白雲晴岫遠綠野草堂深
萍沼翻魚浪柳橋啼鳥音離筵難久駐庭樹欲移陰

少林寺二首

少室傳今古茲遊獨快吾禪心留壁影仙跡窈幽岵
整迥松篁潤峯高雲漢孤前朝遺石刻大半已荒蕪

昔道洛中勝今知天下無
千巖屏障合二室書圖俱
竹密僧房暗洞深雲磴迂
幽懷欲忘世何事役塵途

覃懷會黃子忠

烽臺方校武忽報故人來
雲水成奇會星軺屬俊才
論文孤寺雨惜別異鄉杯
遊子天涯思隨君去節回

覃懷別子忠

沁水漲新退河梁鷺即群
離亭難割別疋馬更慙勤
鄉榜十年共軺車兩地分
故人煩寄語不敢負

明君

覃懷道中

五月覃懷道家家刈麥忙
喜看今歲熟漫憶去年荒
茅屋晨炊火水田晚種秧
何當除橫索到處樂時康

鄴城留孫石磯

忽報使君至呼童急整冠
喜今顏色對憶昨夢魂殘
竹院雲朝曙栢臺風晝寒
鳴騶無太急尊酒且追歡

和韻送翟掌科

旌旄來邈迤歲月嘆睽違
梅影黃昏瘦松陰白雪肥
春庭綵衣舞畫錦使車歸
到處詢民瘼還朝報帝闈

贈張亭溪侍母還蜀和空同三首

上國昔違久中州今別難
風塵南郭靜尊酒故人慳

日落蜀山暮雲飛秦樹寒北堂春酒熟幾夢到

朝端

繁臺過雨後栢府集筵初日午松陰直秋空鴈陣踈
野雲依別洞籬菊綻芳除蜀水不成凍寒江足釣魚
靜室延清語如聞太古音砌筍隨雨長檻竹入雲深
適興惟尊酒論交獨此心莫言秋寂寞寒菊正森森

別蘇生

蘇生明日別秋雨小軒留共事經河洛還家過魯鄒
登堂慈母戀報國杞人憂盛世需才俊詩書好進脩
百可亭中秋詠月

百年亭中月清光分外圓過池星斗濕留砌草花妍
故國懷今夕他鄉對此筵坐深高興發不覺酒杯偏

秋宴

內法酒初熟清秋筵正開橫途無餓殍快意有尊罍
梧月當亭上松風入戶來歸途延望眼霜栢靜烏臺
重九和空同韻

獨酌重陽酒霜臺誰與同叢篁朝浥雨古木晝牽風
飡菊籬邊客忘機海上翁宦途多局促徒爾羨真鴻
贈楊教授致仕

羨君專內養七十尚童顏吏隱何妨老山居更

梁園渺秋草楚澤迤雲山吾亦動鄉思安能共爾遠
別張生

蘇生驚昨別那復別張生往事雲中鳥浮踪水上萍
秋風河淦急晚日碭山明喜汝最淳朴勗哉期立名
贈方年兄二首

二月許昌別初冬安德逢朋情如子少宦况覺余慵
平野垂星闊孤城隱霧重不緣新酒熟何以慰萍蹤
列席自清曉日斜猶勸酬林空山鳥集野靜暮雲收
原澤寒初互園亭冬更幽憑高同舉眺直北是

皇州

方湖贈鄭直夫

屏山有湖水千頃浩無涯映月涵天碧搖風浴岸斜
形方春滿堰源潔晚明沙澤物功何溥閩南此世家

阜城道中

疋馬面寒風陰雲四野同饑鳥鳴轉急亂葉落能紅
破屋人煙少荒田農事空家家盡南走聞說豫州豐
新城道中和盧師邵

風寒全凍水霜重不飛沙隴麥初抽葉牆梅欲放花
發車東海曙下馬夕陽斜遠道勞禁酒厨人爲進茶

高梁寺

山曲疑無路忽逢僧具茶行行到古寺隱隱見飛霞
犬吠石巖迥溪流竹徑斜農歌隨社鼓最樂羨田家
寺壁和見素韻

冒暑勤

王事明時敢浪遊山光晴遠戶竹色午當樓客路偏
憊夏禪心宜及秋僧房靜如許無計可淹留

李坪候王惟貞不至

江水同天濶樓船比屋寬久諳乘馬苦始覺泛舟安
燕雨千山暗蘆風五月寒故人虛好約秉燭待更闌
贈別惟貞侍史

官舫纔相會匆匆又別筵自憐如我拙何以繼君賢
江草晴波鷺山槐日暮蟬壯懷同慷慨極目楚雲天
喜雨二首

長空行赤日忽爾起陰雲時雨臨秋落農歌動地聞
莫言天道遠不負使君勤安得蘇公筆當亭一記文
涸地猶團日長空已合雲驟嫌花砌沒密愛竹窻聞
萬物皆生意三農正及耘豐年非自適持此報

明君

雨河驛

遙望西河驛雲山返照中長途苦秋日小院喜涼風

馬踏晴沙軟鳥啼秋樹空停驂聊半餉行李復匆匆

李坪驛

戴星朝復暮望望李坪遙湖水初消路汀花半落橋
夜風嘶匹馬秋月唳寒鷗客思殊無賴空庭正寂寥

應山中秋夜坐和夏公謹韻

月色明如畫山城僻似村空庭更獨坐小扇却餘暄
憂

國干戈動懷鄉松菊存夜深猶不寢對影漫憑軒

謁羊祜廟

峴首崇祠屋裏樊指顧中遺容千載似墮淚古碑空

茅店昏明火霜林曉落楓感懷惟漢水渺渺下江東

習池

弔罷羊侯廟來觀習氏池巖深雲傍屋風動鳥鳴枝
灑落山公興風流杜老詩高踪渺何許半畝自清漪

樂泉軒

山頭營舊地山下湧新泉靜影含秋月餘波落曉川
研硃朝點易煮茗夜懷僊樂事隨吾足清幽亦自憐

望武當

武當天下奇夢想亦多時高聳雲依半清虛倦所嬉
峯巒迷望眼煙雨負佳期早發龍山迥孤城鼓角悲

博文堂

芸閣藏書日

楓宸賜扁時露珠朝點晷
藜火夜探詩草色侵簾幙
天光映墨池閉門無俗客
惟有鶴相隨

公安曉行

曉發公安道星稀月未西
野橋危度馬村店遠鳴鷄
絕塞驚群盜頽垣泣寡妻
救時無上策歎世有新題

東塘集卷之三